

# 笑盧隨筆

兆容

## 談詩鐘(十五)

今年端陽詩入節，臺鐵詩社有「度」成「成」第七唱之鐘局，於六月十八日（農曆五月初六日）在鐵路招待所發唱，茲將社友中互選較多之句隨手摘錄若干聯於後，以饜閱者！

### 台鐵詩社：度·成·第七唱。

- ①道喪甯甘殘廢度，時窮轉有好詩成。（尤光先）
- ②歌能裂石餘音度，射可穿楊絕藝成。（陳琴樓）
- ③生塵破甑貧難度，和淚離杯醉不成。（王杰臣）
- ④一叢俗骨仙難度，九轉金丹道已成。（陳秋峩）
- ⑤六街簫鼓元宵度，曲水壺觴禩節成。（邱夙真）
- ⑥春風倚曲鑄前度，夜雨催詩枕上成。（陳祖平）
- ⑦峯高不讓微雲度，秋爽還叨一雨成。（魏道遠）
- ⑧林泉清福餘年度，簪笏浮榮一夢成。（葉沅辰）
- ⑨秋風一雁哀聲度，夜月雙禽好夢成。（張兆蓉）
- ⑩清歌遠浦隨舟度，妙畫明湖點筆成。（翁祖揚）
- ⑪倚巖豔曲珠喉度，織錦迴文玉手成。（施孟宏）
- ⑫半甕薄粥貧中度，一集寒詩老後成。（楊道豫）
- ⑬微風梅塢清香度，明月蕉窓淡影成。（郭建寅）
- ⑭愁從臘鼓聲中度，詩自春燈影下成。（吳彥）
- ⑮從贏後死慚初度，翻掩前修悔晚成。（葉沅辰）

- ⑯才大豈容繩尺度，句佳有待琢磨成。（魏道遠）
- ⑰劉郎姓字傳前度，尼父文章集大成。（林仲麗）
- ⑱疑為殘夢思前度，笑僅餘年說晚成。（郭建寅）
- ⑲無多歲月休虛度，絕妙文章本偶成。（姚天覺）
- ⑳重游興致同前度，早達心情異晚成。（陳石言）
- ㉑殆同老驥慙虛度，偶自黃花悟晚成。（施孟宏）
- ㉒雪後庭梅香暗度，春來堤柳蔭初成。（陳秋峩）
- ㉓暮歲笙歌能幾度，少年書劍笑無成。（邱夙真）
- ㉔瘠那理財猶有度，豪門治學轉無成。（葉沅辰）
- ㉕雄關扼險愁飛度，傑閣臨流慶落成。（陳琴樓）
- ㉖清望咸欽黃叔度，雋才獨羨鄭康成。（張兆蓉）
- ㉗幾本梅花開二度，盈樽竹葉釀初成。（何紆丹）
- ㉘上古衣冠皆有度，半生書劍一無成。（楊道豫）
- ㉙遲歸客棹雙帆度，急遞軍書一筆成。（陳楚嵐）
- ㉚無痕夢枉尋前度，有限年偏詭晚成。（葉沅辰）
- ㉛州郡權多歸節度，詩先春社燕巢成。（陳琴樓）
- ㉜鞭共秋山鴻影度，膠庠事盡乘司成。（吳彥）
- ㉝已叢罪惡方求度，善全父道馬牛成。（張復奇）
- ㉞亦了仙緣鷄犬度，蹉跎頻年愧晚成。（陳元冲）
- ㉟芳菲一頃思前度，句妙翻多出偶成。（商翥）
- ㊱情深絕不教虛度，轉輾艱屯造晚成。（葉沅辰）
- ㊲不緣顛沛更常度，甯有雄才肯守成。（吳彥）
- ㊳縱多奇行客遠度，匪地江河水所成。（張兆蓉）
- ㊴極天嶽岱雲能度，鴻鵠摩天羽翼成。（陳楚嵐）
- ㊵驂驩開路關山度，不分功名老後成。（陳楚嵐）
- ㊶官筵繼燭歡無度，客邸聞砧夢不成。（未完）

## 未是草

趙曾珏

一樵吾兄  
婉靖尊嫂 六旬雙慶

趙曾珏

- 六十年來正氣蘇，致知立說世爭傳。<sup>(一)</sup>
- 電磁理續麥儒偉，運算踪追海佛仙。<sup>(二)</sup>
- 夙展經綸存碩劃，門盈桃李著先鞭。
- 齊眉梁案芝蘭馥，韞韞鐘聲代綺筵。<sup>(三)</sup>
- ①Kui's Method  
②Oliver Heaviside  
③James Clerk Maxwell  
④費城之自由鐘
- 記從巴蜀過長汀，柘捲冰題必必亭。<sup>(四)</sup>
- 閣上盛名流教澤，篋中新著啓鴻溟。
- 詩履唐宋由天縱，畫擅孟光樹母型。<sup>(五)</sup>
- 舉目河山如有待，絢霞景氣鬱長星。
- ①一樵以教次視察東南，余任交部特派員駐汀州。
- ②余建亭上饒官舍旁，指抗戰必勝，建國必成。
- ③顧夫人善繪事。
- 辛丑初夏，聞賢伉儷  
辭友好霞觴，詩以祝之。

## 「友聲」啓事

- 一、來稿及相片，如需退還務請註明，以便退還。
- 二、各學長地址變更或函索「友聲」，請函知臺北市長安東路一段三十巷三弄十一號副總幹事翁學長兆慶，俾便登記補發，以免轉帳費時。
- 三、本刊定每月廿日稿件截止，來稿務請於廿日前擲交，以便按期刊出。
- 四、有關本刊編輯改善意見，批評、指教、請函致本刊，在經濟情形許可下，一定盡力辦到。
- 五、同學會暫以臺北市中正路物資局李學長友祥為聯絡地址。